

Visoki predstavnik poziva na usvajanje izmjena i dopuna Zakona o ministarskim, vladinim i drugim imenovanjima FBiH

Visoki predstavnik Valentin Inzko pozdravio je važan korak koji je danas poduzela Vlada Federacije Bosne i Hercegovine usvajanjem Autentičnog tumačenja člana 5. Zakona o Komisiji za vrijednosne papire Federacije BiH u cilju ograničavanja rizika za tržište vrijednosnih papira u Federaciji BiH i za cjelokupnu ekonomiju. Sada je potrebno da ovo autentično tumačenje usvoji i Parlament Federacije BiH.

Istovremeno, visoki predstavnik Inzko je sa žaljenjem primio informaciju da Vlada Federacije BiH na današnjoj sjednici nije mogla usvojiti predložene izmjene i dopune Zakona o ministarskim, vladinim i drugim imenovanjima FBiH. Ove izmjene i dopune su izuzetno važne s obzirom da se njima osigurava da niz institucija od javnog interesa, kao što je i Komisija za vrijednosne papire, nastavi s provođenjem svojih aktivnosti i u slučajevima kada prilikom imenovanja u ove institucije dođe do zastoja. Pravna sigurnost i institucionalna stabilnost su stubovi svakog pravnog sistema.

OHR poziva Vladu Federacije BiH da što prije usvoji izmjene i dopune Zakona o ministarskim, vladinim i drugim imenovanjima Federacije BiH kako bi ih Parlament Federacije BiH mogao razmatrati zajedno s Autentičnim tumačenjem.